

曆經云、大唐今停大衍曆、唯用此經。天應元年有勅、令據彼經造曆日、無人習學、不得傳業、猶用大衍曆經已及百年、真野麻呂去齊衡三年申請用彼五紀曆、朝廷議云、國家據大衍經造曆日、尚矣、去聖已遠、義貴兩存、宜暫相兼、不得偏用、由是檢之、五紀在頒行列可知也。臣門土御秦邦按、自上元甲子距今年積年二十七萬九百七十、日法一千三百四十、自文德天皇齊衡三年丙子、至貞觀四年壬午、與大衍曆兼行七年也。

〔曆法新書十五〕五紀曆

唐肅宗寶應元年壬寅、司天臺官屬郭獻造之。中臣按、唐書曆志曰、唐終始二百九十餘年而曆八改、初曰戊寅元曆、曰麟德甲子元曆、曰開元大衍曆、曰寶應五紀曆、曰建中正元曆、曰元和觀象曆、曰長慶宣明曆、曰景福崇玄曆而止矣。

宣明曆

〔享祿本類聚三代格十七〕太政官符

應用長慶宣明曆經事

右陰陽頭從五位下兼行曆博士大春日朝臣真野麻呂解狀、稱謹檢古記、豐御食炊屋姬天皇古推十一年壬戌冬十月、百濟僧觀勒來貢曆術、而未行於世、高天原廣野姬天皇皇極四年庚寅冬十二月、有勅始用元嘉曆、次用儀鳳曆、高野姬天皇皇孝天平寶字七年八月、停儀鳳曆、用開元大衍曆、厥後寶龜十一年、遣唐錄事內樂正從五位下羽栗臣翼貢寶應五紀曆經、申云、大唐今停大衍曆、唯用件經者、天應元年、有勅令據件經造曆、無人習學、不得講成、猶據大衍曆經、勘造曆日、已及百年、真野麻呂去齊衡三年、申請可以五紀曆作曆之狀、而太政官四年正月十七日符、稱國家據大衍經作曆、尚矣、去聖已遠、義貴兩存、宜暫相副、令作進者、依件符旨、大衍五紀相副作進二箇年也、去貞觀元年、渤海大使馬孝慎新貢長慶宣明曆經言、是大唐新用經也、真野麻呂試加覆勘、理當固然、仍以件新經、比校大衍五紀等兩經、且察天文、且參時候、兩經之術、漸似麤疎、合朔節氣、既有相差、又勘大唐開成四年大中之十二年等曆、